

Mejikopo riistrition elektoralta joowame

Mejikopo jume owim entok jamuchim yawrapo entok tekiata jabeta mabet ihateko yewim a puäka a bechibom botäruana. Juneli ju yaut emo naikintelamew wëka am nokria, Poder Ejekutibo, ju Poder Legislatibo, entok Poder Judusial. Ju poder Legislatibo ju naw ettjoaka entok naw luturiasim a yänake jume Leeyim imi itom buiärapo. Jume riputadom entok Senadorim mak naw a joowa. Jume riputadom publomew bechibo weyyek Kongreso de la uniompo jume entok chikti baix wasuktiapo yew puppuawa.

Itom mejiko buirata remokrasia bennaku, siimem bechibo nanancha bexre ju booto. Jukay bexya bechibo. Jume riputadopo tekianakeme yew puaawapo ju pueblota buiara rixriitompo electoralimpo naykimteri batte nanalaysi beekim batörakapo ama joakame. Juneli weepo chikti riputaado batte nat beeki batoram naatua a tekiapo. Imetuk junel ristriito electoralim jamakwey wate chee buere tem jibba nanacha beeki batoram naatua.

Jume itom mejiko buiarapo youth jioxterim jum itom mexiko buiarapo jume baix sien ristriito jederalim naatua, wanay chikti ristriitopo wepu riputaado ama yew puana, ale bennasi ketchi chikte estaaro ket jume ripuutado lokaalim jipure wanay ket jume ristriito beekim weelapon yew puana ketchi.

¿Jittasa ju ristriito elektoral?

Ju ristriito elektoral buetuk juka buia paariata naatua, buetuk itom mejiko buiarapo o jum estaarompo jume batooram batte nanancha bëekim naatuaka, juneli a weepom ara yew puatu jume riputaadom chikti ristriito betana ento juneli chikti riputaado battenana nancha beekim batoram naatua.

¿Jittasu ju riistrition elektoral?

Iri buetuk ju tekkil instituto nasional elektoralta jojoawi, jak buia paariapo taxti a yumanakew yuktiaka siime itom mejiko buiarapo o jak chikti estaarompo.

¿Jitta bechibosu tuuri?


Che nanawit am naykimte bechibo jume batoram chikti riistriito elektoralpo, nanawit siime batoram bemripuutarom jippunake bechibo, juneli wepo chikti batoram booto nanacha bexresi machitunake.

¿Jatchiasu bexresi maachi ju ristriitasion electoral?

Buetuk bexresi maachi buetuksu chikti taawapo jume batoram nat tomti beeki, eleka kujakte, buetuksu wate batoram yew tomte, wate kokko, wate ento tabui buirammew bicha sasaka, wanay juneli a weepo amakwey jume riistriitom nat tomti kuja kujakte. Wari bechibo bexresi maachi chikti aniata weepo jume riistriitombo jume batoram nanaykiawa, jibba batte nanancha beeki batoram yumaapo taxti am yaana bechibo.

¿Jitasu jume reklam juka riistriitasionta ya bechibo?

Riistritota yaabechibo buetuk chikti riistriitom batte nanancha beekim batoranake, ento elapo jum riistriitopo jume munisipiom yumalasi ama kimana, buetuk ju riistritota mayoam kaa kia jajana bittunake, ento jum waixwa ristriitopo kaa obiachisi ama kuaktitunake, kaa jume jaksa yun jinwa boom ama ahyunake ento jume munisipiom yoremra batoram ayukapo jibba aw a jariunakesiime naw riistriitopo am tawanake bechibo juka yoremra batorata buisisi jum poliitikapo bem luturiam am bechibo.



¿Jatweysu jojowa entok jachisu jojowa?

Jum 2016po ento 2017po ju ine juka riistritasion jederalta ento riistritasion lokalta yaanake imi estarompo: baja kalifornia sur, kampeche, kolima, chiapax, ciudad de mejiko, wajuato, werrero, jalisco, mejiko, michoacan, morelos, nuevo león, keretaro, san luis potosí, sonora, tabasco ento yucatan.

Entidad jederatibampo joona jume forum buesuktu ju INE proyekto riistritasion elektoralta täyatuabareka Institusion Indigenam bekatana, jume ama annakeme partido politikom betana, jume estatalimpo yauchim entok munisipalim, jume riiputaro lokalim, jume autoridadim elektoralim lokalim entok jederalim entok siime ama naw ruktibareme.

Jume proyektom riistritasion yä baretek yolem joarampo, ju INE yolem pueblomak entok yolem joaramak naw a ettejoana entok naw a luturia yäna jachin a tawanakewi imi juka riistrito electoralta, anëli ju ireentificacion ju kablesa riistrital at tekipanoanakewi.

¿Jabesu aman nejunna?

Amanim nejunna fooro injormatibommewi jume ama tekiakame partido politikom, yauhram estatalim entok munisipalim, riiputado lokalim, yauhram elektoralim lokalim entok jederalim, yolem pueblom entok yolem joaram ento jume ama naw ruktilame.

¿Jatweysu yäna entok jachisu yäna ju naw ettejori?

Batôram naw nejunekam naw a etejoanake, jume yahuram yolem pueblom entok yolem joaram chikti entidaapo, mesa injormatibam yäka ama naw a ettejoana. Ime mesampo naw ettejoana jachin jume yolem pueblom entok yolem joaram naw ruktiana ju riistrito elektoralim entok ket che tuiisi nokta itow buixna juneli jume eerim agrupasion betana wenta amew a buisna ju yauh electoraltawi.

Jume yauhram yolem pueblomew entok yolem joaramew jabuekame jita bem bichaw INEtaw a bittuana junta lokalim wëyey entok riistritalim weyey entirarimpo. Buetuk beja a yätuk ju proceso riistritasion elektoralta entok yolememak a yätuko, INE bemelasi juka poblasionta jueneriaka riistritasion electoral local juchi benasi a yäna buetuksu bemela riistritasion jederalta yechana.

Chë tuissi a yä bechibo yolem pueblom entok yolem joaram naw konsultalaw, juka INEta anianake ju Instituto Nacional de Lenguas de los Pueblos Indígenas (INALI), juneli ket ju Comision Nacional para el Desarrollo de los Pueblos Indígenas (DCI).

¿Jabesu ara nejuntu natemaixwapo?

Jume yolem pueblom entok yolem joaram alebenasi jume yauhramew jabuekame.

¡June bareka eyya! Sime batoram che buasisi aw kimuk itom mejiko buiara che yôtuna, awe châtú!